

Riba e isla priva di De Palm

Inauguracion di cabinanan nobo pa cambia paña

STA. CRUZ – E cabinanan nobo pa cambia paña na De Palm Island a wordo inaugura diabierna. Traha di palo special cu a wordo importa, nan ta duna e facilidad funcional un ambiente rustico y comodo, ademas di ta provee comodidad y conveniencia pa e bishitantenan di De Palm Island.

E construccion di e casnan di palo a cumenza na Augustus

ultimo cu un fundacion solido di concrete y a progresa rapidamente. E facilidad di cambia paña tabata e prome di dos edificio similar cu tin planea pa traha. E di dos lo wordo construi den e siguiente lunanan pa acomoda e isla su famoso operacion di Snuba, un shop di snorkeling y facilidatnan di prome ayudo.

De Palm Island ta continua cu su renovacionnan y proceso

di mehoracion cu e meta di ofrece servicio di calidad na su clientenan.

Den e potretnan por mira e empleadonan di De Palm Island celebrando hunto cu e accionistanan di De Palm Tours, Harold Malmberg, Ricky Malmberg & Lisette Malmberg, hunto cu e ekipo di gerencia di e isla, Eduardo Diaz, Gerente di Operacion y Jos Westerop Gerente di F&B.

